



5. marts 2010
21. august 2009

UPA 2010/26
UKA 2009/65

Inatsisartut suleriaasianni § 32 naapertorlugu aalajangiiffigisassatut siunnersuut imattoq matumuuna saqqummiupparput:

Kalaallit Nunatsinni atornerluisunut katsorsaanermut ilinniarfimmik pilersitsisoqarnissaanik Naalakkersuisut sulissuteqaqqullugit Inatsisartut aalajangiiffigisassaattut siunnersuut.

(ATASSUT-ip Inatsisartuni ilaasortaatitai: Finn Karlsen, Siverth K. Heilmann, Knud Kristiansen)

Tunngavilersuut:

Atornerluisuunerup ajornartorsiutai taakkulu inuiaqatigiinni kalaallini sunniutai pillugit samminnинeq piffissami matumanii aatsaat taamak annertutigivoq. ATASSUT-mit naliliinerput naapertorlugu oqallisigissallugit tunuarsimaarfigineqartarsimasut taamak ammatigisumik oqallisigineqalernerat ajunngitsuullunilu toqqisisimanartuuvoq aammali inuttut ataasiakkaatut inuiaqatigiittullu iliuuseqarnissamik piumasaqaatitaqluni.

Inuiaqatigiit kalaallit unammisassanut aatsaat taamak annetutigisunut sassartussanngorpugut, namminersorneq eqqunneqalerat luuarpoq, aningaaarsiornikkut namminiilerusuppuugut, innuttaasut ilinniarsimassutsikkut qaffassarneqarnerat ingerlanneqarpoq, inuiaqatigiittullu nunarsuarmioqataanerput annertusarniarlugu suliniuteqarpugut, tamakku tamarmik pipput naak massa innuttaqassuseq eqqarsaatigalugu inuiaqatigiit mikisunngugaluartugut.

Inuiattut nutarterinerput iluatsilluassappat, aammalu unammisassat takkutuartut iluatsittumik ingerlanneqarsinnaassappata inuttut ataasiakkaatut aammalu ataatsimoortutut piareersarluarsimallatalu nukissaqarluarnissarput pisariaqarpoq.

Qujanartumik nunatsinni innuttaasut amerlanersai nammieq soqutigisat aammalu inuiaqatigiit soqutigisaat aallutissallugit nukissaqarluarput, taamaattorli aamma piviusuovoq innuttaasut amerlasuut immikkut tapersorsorneqarnissamik aammalu katsorsarneqarnissamik pisariaqartitsisuummata.

Taakku kingullit tassarpiaapput immikkut sammineqarlutillu iliuuseqarfingeqarnissaannik ATASSUT-mit siunnersuutitsinni matumanii ujartuinitssinnut pissutaasut, tassami ajornartorsiutit artorsaatillu oqaluuserissallugit tunuarsimaarfigineqartarsimagaluartut ammasumik oqaluuserineqartalernerisa malitsigisaanik aamma ersersinneqaleriartuinnarpoq atornerluisuunermik ajornartorsiuteqarnerup annertulluinnarnera taamaammallu atornerluisuuneq akiorniarlugu immikkut iliuuseqarnissamik pisariaqartitsisoqarnera. Oqaluuserissallugit tunuarsimaarfigineqartarsimasut tassaanerupput sumiginnaasoqarneranik eqquaasimaneq, kinguaassiutitigut kanngutsaatsuliorfigineqarneq aammalu atornerlugaaneq, ilaqtariinni annersaanerit imigassamillu ajornartorsiuteqarneq, taakkulu malitsigisaanik inuit perioriartornerminni eqquaasimasut nammieq arlaatigut atornerluisunngorsimasarneri.



Qujanartumik inoqaterpassuaqarpugut nukissaqarluarlutik inoqatiminnt atornerluinermik ajornartorsiuteqartunut tapersersuillutillu katsorsaasinnarutsuttunik, pissutsilli ullumikkutut itsillugit, katsorsaasinnaanermik ilinniagaqarneq aatsaat nunarput qimaqqaaarlugu, tassa Danmarkimi nunaniluunniit allani ingerlanneqarsinnaasarpooq.

ATASSUT-mi isumaqarpugut, nunatsinni katsorsaanermik ilinniarfeqalernissaanut amerlasuutigut pissutissaqarluartoq, ilaatigut tamanna pisinnaavoq ilinniarfiit pioreersut attuumassuteqartullu annertusaavagineqarnerisigut.

Takorloorparput ilinniartitaaneq inunnik isumaginninnermik aallaaveqartinneqassasoq, ilinniartitaanerlu ilisarnaateqassasoq pilersaarusrorneqartassasorlu atuagarsornikkut siammasissumik tunngaveqartumik, taamaattorli aamma Kalaallit Nunaanni katsorsaanermik ingerlataqarnermut naapertuutumik aaqqissugaassasoq.

Katsorsaanermik ilinniarneq aqqutigalugu ilinniagaqartut piukkunnarsassapput ilaatigut siunnerfilimmik inuttut misilittagaat tunngavigalugit qaffasissumik pitsaassusilimmik atornerluisunut sullissinissaminut sakkussaqarluartut. Tamatuma saniatigut takorloorparput tunngaviusumik perorsaanermik, tarnip pissusiinik aammalu inoqatigiiit akornanni pissutsinik ilinniartinneqassasut tamatumalu ilutigisaanik katsorsaanermi periaatsit nunani allani atorneqartut isumassarsiorfigineqartassasut takorloorparput.

ATASSUT-mut pingaruteqarpoq matumani erseqqissassallugu nunatsinni atornerluisunut katsorsaanermik ilinniarfeqalernissaanik periaatsimut aalajangersimasumut ilinniarfiup pituttorneqarnissaa siunnersuuteqarnitsinni siunertarinnginnatsigu, paarlattuanilli katsorsaariaatsit assigiinngitsut isumassarsiorfigalugit nunatsinni ilinniartitaanerup inuiaqatigiinnut kalaallinut tulluarsagaanissaa siunertarigatsigu.

Siunnersuutip suliarineqarneranut atatillugu ATASSUT-mit misissoraluarparput katsorsaasussanik ilinniartitsinermut aningaasartuutaasartut ullumikkut qanoq amerlatiginersut, tamannali iluatsinngilarput, taamaattorli naatsorsuutigaarput siunnersuutip ataatsimiitaliamit suliarineqarneratigut aningaasartuutaasussat qulaajaaffigilluarneqassasut.

Taamatut tunngavilersuuteqarluta siunnersuut Inatsisartunut suliassangortippalut.